

AHATA a entrega e premionan di Shoco 2006



ORANJESTAD - Premionan di excelencia a wordo entrega pa di dos biaha, durante e Asamblea General di e Aruba Hotel & Tourism Association na Renaissance Convention Center.

Nominadonan pa e programa oficial di reconocimiento a wordo entrega pa evaluacion di un cuerpo di experto, bou supervision di Universidad di Aruba.

E Shoco, un parha indigeno di Aruba, ta representa creatividad, vision y sabiduria, segun Jorge Pesquera, CEO di AHATA. E premionan, cu a wordo introduci pa prome biaha na 2005, a reconoce contribucionnan di individualnan talentoso y determina entre e asociacion su miembronan alia y entre hotelnan.

E trofeo atractivo originalmente a wordo crea pa artistanan local Edwin Donata y Mariza Erasmus.

Alfonso Riverol, AHATA, Aruba Hotel & Tourism Association su Presidente, y Pesquera a yuda entrega nan durante un encuentro festivo den presencia di hoteleronan, miembronan di prensa, dignitarionan y nominadonan di e premio.

AHATA a solicita nombrenan di nominado, mei-mei di aña, Pesquera a splica. E nombrenan ricibi a wordo manda pa un evaluacion enfocando riba excelencia den servicio, hospitalidad y contribucionnan excelente na e sostenibilidad di Aruba su industria di turismo.

Den e potretnan por mira e ganadornan di Supervisor Hotelero di Aña, 2006, di La Cabana Beach & Racquet Club, Nilda Echobardo; Empleado Alia di Aña 2006, di De Palm Tours, Howard Folkes, y di Aruba Adventures Victor Andrews; y Empleado Hotelero di Aña, di Renaissance Aruba Resort & Casino, Javier Croes, riba e escenario hunto cu nan premionan.

E aña aki dos categoria nobo a wordo introduci, esta Hotel di Aña y Profesional Hoben di Turismo di Aña, un premio cu a wordo diseña pa reconoce talento prometedord den Aruba su industria mas grandi. Divi Resorts a wordo reconoci den e categoria di Hotel di Aña y Karen v/d Vaart a wordo reconoci como e Profesional Hoben di Turismo di Aña. E premionan no a wordo entrega oficialmente debi na e cantidad chikito di candidato cu a wordo nomina e prome aña aki. Asina mes, Divi Resort & Karen v/d Vaart a ricibi un ronda di aplauso pa nan logronan.

AHATA, Pesquera a reitera, ta para pa calidad y vision y e desaroyo di liderasgo, personifica dor di e ganadornan di premio. (Pa mas informacion y formularionan di nominacion bishita AHATA.com)

